

Vg  
1238





**Eine freuntliche /  
demüctige vnd andechtige erinne-  
rung M. Sl. Illy. an das heilige Volck /  
vnd Künigliche priesterthumb des An-  
tichrists / von der besserung  
des heiligen Canons  
oder Stilmessen.**

Jesae am. xxviiij.

Dazu sindt diese auch vom Wein toll worden /  
vnd daumelen (nemlich / geistlich) von starckem getren-  
cke / Denn beide Priester vnd Propheten sind toll von  
starckem getrencke / sind im Wein ersoffen vnd daumeln  
von starckem getrencke. Sie sind toll im Weissagen / vnd  
köcken die vrteil erans / Denn alle Tische sind vol speiens  
vnd vnflats (das ist / falscher lere vnd missbreuche) an  
allen örtern. Wen sol er denn leren das erkentnis ? wem  
sol er zuuerstehen geben die Predig ?

Gedruckt zu Magdeburgk durch  
Michel Lotther.

1550.



21  
2

**D**ie weil ich ihr lieben  
Antichristische Messpfaffen / aus  
grosser liebe / so ich gegen euch /  
von wegen ewrer grossen tugend /  
den / trage / tag vnd nacht für  
euch vnd ewre allerheiligeste Gottes dienste  
sorge / vnd von hertzen begere euch was gutes  
zu erzeigen / so ist mir newlich eingefallen / das  
ihr nichts heiligers habt / denn den heiligen  
Canon / mit welchem jr (wie jr seliglich glaubet)  
Gott selbst als durch ein zauberisch gebet /  
vom Himmel ziehen (oder viel mehr die helle er-  
regen) vnd aus den todten Elementen der  
welt / einen waren lebendigen vnd almechtigen  
Gott machen können / vnd das jr den selbigen  
Canon doch noch nicht gantz habet.

Durch welche gedanken ich nicht ein  
wenig betrübt worden / must euch derhalben  
anzeigen die stücke / so in ewerm Canon man-  
geln. Denn es were warlich sonst zubesorgē / jr  
würdet durch ewre zerstumpeltē Messe (damit  
jr euch vnterstehet das Menschliche geschlecht  
mit dem almechtigen Gott zu versünen / der mens-  
schen sünde zu tilgen / den Himmel auffzuschlies-  
sen / vnd ein vollkommliche erlösung / welche  
Christus durch sein blut nicht hat können er-  
werben / durch ewer opffer zu finden) Gott  
mehr zu erzörnen denn versünen.

Derhalben so bezeuge ich euch ohn allen  
schertz / auff's aller thewreste / das ich aus ei-  
nem köstlichen Messbuch / in welchem der  
Canon

Canon mit guldenen buchstaben geschrieben/  
diese nachfolgende stücke geschrieben habe.

Erstlich in dem stücke Communicantes  
nach Cosme & Damiani, gehören diese nachfol-  
gende wort. Dionisij, Martini, Gregorij, Augustini,  
Hieronymi, Benedicti, nec non & illorum sanctorum,  
quorum solennitas hodie in conspectu tuæ maiestatis  
celebratur: Domine Deus noster in toto orbe terrarum,  
& omnium, &c. bis an den ort / & omnium sancto-  
rum. Darnach bey das stücke / Libera nos quæsu-  
mus, gehören diese wort / Andrea nec non & Bo-  
nifacio martyre tuo atq; pontifice cum omnibus, &c.  
Zuletzt stehet auch dis folgende gebet in Ca-  
none des gedachten Messbuchs / welchs in  
ewern Messbüchern nicht stehet.

Memento mei quæso Domine & miserere, licet  
hæc indigne tibi sancte pater omnipotens æterne Deus  
meis manibus offerantur sacrificia, qui nec inuocare  
nomen tuum dignus sum, sed quoniam in honore, lau-  
de & memoria gloriosissimi dilecti filij tui, Domini  
Dei nostri offeruntur, sicut incensum in conspectu di-  
uinæ maiestatis tuæ cum odore suauitatis accedantur.  
Per eundem Christum Dominum nostrum &c.

Dis gebet aber wirdt gesatzt zwiffchen  
(Post omni benedictione repleamur. Und / Memento  
etiam Domine famulorum.) Ober das gezeugnis  
des ansehenlichẽ Buchs / zeugt auch eben das  
selbige der anfangt des folgenden gebets (Me-  
mento etiam) gedencf auch / darbey man mer-  
cket / das ein ander Memento vorn her gegang-  
gen sey / Denn das wörtlein (Etiam, Auch)  
pfllegt zwey gleiche ding in solcher bedeutung

¶ ii

an ein

4

an einander zu hengen. Ist auch der warheit nicht vngemes/das der Messpffaff in der Messse sein selbst nicht vergesse / vnnnd auch fur sich bitte. Zu letzt schreibt auch Wilhelmus Durandus ein Bisschoff/ der vor 260. jaren gelebt hat/in seinem Rationali diuinorum, das die selbige Gebet vorzeiten in den Messbüchern gewesen / sie sey aber schon zu seiner zeit im brauch nicht gewesen.

Derhalben so zweiffele ich gar nichts daran/das es in ewerm Canon mangle / vnd man es hinzu setzen müsse. Denn ich bitte euch vmb ewer grossen Geistlichkeit/ vnd aller Keuscheste standt ewers Ehelosen wesens willen/ das jr doch bedenccken / vnd zu hertzen fassen woltet/wie sichs gar nicht schicken wil/ vnd ein grewlich laster ist / das der allerheiligeste Canon solchs Gebets mangeln solte. Canon der heilige corper solt warlich alle seine heilige glieder beysamen haben / weil kein heiliger ding auff erden nie komen ist / denn der allerheiligeste man S. Canon. Solt man demselbigen ein gliedt von seinem heiligen Corper abhawen/das were sunde vnd schande.

Es sagt der auslendische Beisschaff (Bisschoff wolt ich sagen) von Sidon vnnnd Tyro/ gelegen in Schlawraffen landt zu Mentz / in seiner zehenden Predigt / das der Canon gewislich von der Apostel zeit her in der Kirchen bis auff diese zeit/ von stücke zu stücke gewesen sey / O Bihebischoff wie leugstu. Derhalben bitte ich euch/ sehet wol zu/ weil jr den Bettern  
in allen

in allen stücken nachfolgen wöllet / das jr fort  
hin auch dis gebet nicht vberhupffet / sondern  
auffs aller forderlichste ein Carnal concilium  
oder auch ein General ausschreibet / vnnnd in  
alle welt Bullen lasset ausgehen / vnnnd jeder  
man ewern grossen Gott Maotz mit ernstlich  
em ernst zu bitten / das er euch diese grosse sun  
de verzeihen wolte / das ihr bisher warlich  
nicht ein gering stücklein in ewern Messhal  
ten habt auffengelassen / vnd fur gnugthuung  
solcher grossen sunde nicht geringe steur bring  
gen zum vnendtlichen bau des Thumbs S.  
Petri zu Rom / damit dem zorn ewers Gottes  
Maotz (das ist Messe) gestillet werde. Mandirt  
auch bey des Bannes straffe / das hinfort kein  
Maotz priester die so lang ausgelassene gebet  
im Canon auslasse. Denn ewer Gottesdienst  
stehet furnemlich darin / das man bey leib vnd  
leben nicht ein wörtlein / nicht ein dütlein /  
nicht ein crützlein auslasse. Denn dis ist die  
weise in allen segen vnd zaubereien / das man  
nichts auslasse / sunst furet einem der Teuffel  
hinweg / oder bricht im den hals. Nicht wun  
der ist / das euch der Teuffel nicht lange hin  
weg gefuret hat / weil ihr nicht ein puncten  
oder wörtlein / sonder viel guter wort ausge  
lassen habt. Sed forte ignorantia excusat peccatum.

So jr aber eine rechtmessige vrsach habt /  
darumb sie sollen ausgelassen werden (dieweil  
der Babst macht hat nach den heiligen Cano  
nes ewers rechtes zu dispensirn weder die  
Apostel / vnd auch aus nichts etwas machen

A iij Kan)

6.  
Kan/denn er ist ein irdischer/oder wol hellisch/  
er Gott)so verschaffet doch nur/das durch des  
Pabsts decret solche sunde der ausgelasse/  
nen wort gewilliget werde/sonst werden viel  
ewer andechtigen gewissen hart verwundet/  
vnd gedencen/das die Meuse dieselbige  
stücke vom Canon auffgefressen haben/oder  
schier durch nachlässigkeit ausgelassen. Vnd  
das also ewer aller heiligsten vnd geistlich/  
sten/sampt der Romanischen Kirchen nu eine  
lange zeit her geirret haben.

Ich zeige euch auch hiemit an/das im  
obgedachten Buche der Kleine Canon nicht  
gefunden/vnd in erzehlung aller stück der Mess/  
feierlich ausgeschlossen wirdt. Welchs war/  
lich nicht geschehen were/so vorzeiten der  
Kleine Canon so ein heilig stück der Mess ge/  
wesen were/wie er denn itzt ist. Daher es denn  
offenbar ist/wie viel jr aller Keuschiste Bettern  
glückseliger seid/denn ewre vorfaren/als  
welcher Gottesdienste von tag zu tag zuge/  
nommen haben/vnd noch teglich zunemen.

Es sindt auch die erinnerungen von den  
Geberden nicht alle gleich in den geschriebe/  
nen vnd gedruckten Exemplaren. In den al/  
ten so mir furkommen sindt/der ich dennoch  
nicht so gar wenig Kirchen vnd Librerien be/  
sichtiget hab/habe ich dergleichen schöne ge/  
bot von Geberden nicht funden. Dabey wol zu  
mercken/das die alten sehr einfeltige Leut ge/  
west sindt/vnd gar nichts von ewern schön/  
en Gauckelspiel gewust haben.

Ir durfft

7

Ir durfft euch auch nicht furchten / das  
nicht etwa ein Luterischer Ketzer daraus be-  
weisen wolte / das es ein gewisse anzeigung  
were / das der Canon freuentlich nach der Leu-  
te wilkore vnd wolgefallen / itzt zu / itzt abge-  
nomen habe / vnd heut in dem / morgen in ei-  
nem andern stücke geendert sey / vnd darumb  
auff keinerley weise so heilig zu halten sey / wie  
der heilige Vater der Babst mit seinen Sü-  
nichen furgibt. Denn ewer Bisschoff von So-  
dom weis es fur gantz gewis / das der gantze  
Canon von der Apostelzeit bis auff diesen tag  
in der Kirchen gewesen / vnd darumb on allen  
zweiffel entweder von den Aposteln / oder von  
der heiligen iungfraw Maria / oder auch vom  
Herrn Christo selbst geschrieben sey / wo nicht  
von Saule oder Juda. Demnach kündt der  
auslendische Bisschoff von Sodom wol sa-  
gen / Du Luterischer hube / halt dein maul / ich  
weis es viel anders / oder wirstu nicht schwei-  
gen / so soltu nach vnserm gesetz sterben vnd  
verbrent werden. Das ist warlich ein sehr hart /  
vnd ein gantz steinern argument / damit auch  
Christus vnser Herr selbst / ob er gleich ein ge-  
waltiger vorsechter der warheit war / leicht-  
lich ist vberwunnen / vnd hat dem steinern ar-  
gument weichen müssen. Johan. viij.

Ich radt euch auch / aus grosser lieb hie  
gegen dem heiligen Babstumb / ir wollet das  
ergerliche stuck des Canons entweder gar hin-  
weg thun / oder zum wenigsten etwas bessern /  
Denn also stehet im Canon geschrieben / vnd  
also

also lesen die Messpfaffen teglich / Das souiel  
vnsrer von diesem altar den heiligen leib / vnnnd  
blut deines Sons nemen werden / mit allen  
himlischen gnaden vnd segen erfullet werden.  
Denn daher können etliche ketzerische stuck  
bewiset werden / als erstlich / das vormals kei-  
ne Mess one Communicanten gehalten sindt  
worden. Denn warumb solt der Priester sagen  
(so viel es vnsrer nemen werden) wenn er wustel  
das niemands mehr mit im Communicirn  
wurde / vnnnd also Gott vnnnd Menschen für  
Maulaffen hielt? Viel weniger sind die Mess  
in winckeln gehalten worden / welchs denn  
aus diesem vnd andern stucken der Mess of-  
fenbar ist / als das sich die Pfaffen fürm Altar  
zum volck vmbwenden / vnd sprechen / Dominus  
uobiscum, das ist / der Herre sey mit euch etc. Es  
sey denn / das er die steinern Kirche vnd nicht  
die christliche Kirche grüsse. Man merckt das  
bey wol / das die Mess vorzeiten ein gemein  
Abendmal der gantzen Christlichen gemein  
gewest ist / wie sie auch itzt ist / bey den vnge-  
horsamen der Römischen Kirchen.

Darnach so kan man auch sehen / das al-  
le Christen vorzeiten vnter beiderley gestalt  
das Sacrament genomen haben / denn er sagt  
deutlich / So viel vnsrer das blut trincken. Das  
nu diese ergerliche vnd ketzerische stuck gemein-  
det werden / radt ich mit allen trewen / das der-  
selbige Text entweder werde gantzweg geno-  
men / oder ja zum wenigsten mit Irreligiosen  
glöfslein geendert.

Eben

Eben dieser vrsach halben mus auch der Canon des Gelasij de conse: dist: 2. entweder gar weg gethan / oder ia zum wenigsten gecorrigirt vnd gebessert werden / der also laut. Es ist nicht zu sagen / was fur eine grosse Gottesdies berey es sey / so jemandt das heilige Sacramēt nur vnter einerley gestalt allein empfehet. Aber von dem Decret wollen wir vielleicht auff einander mal weiter sagen / wo euch diese vnser demütige erinnerung wol gefallen wirdt.

Weiter ist auch noch ein ander gebet in ewerm Messbuch / das nach der Communion gesprochen wirdt / welchs also lautet. Repleti cibo potuq; caelesti, quāsumus Domine &c. Aus welchem auch die obgenanten irthumbetlicher massen können beweret werden. Denn er spricht ia öffentlich / Repleti potu, das ist / die WJA getruncken haben / Den die gebet in plurali numero werden ia von dem gantzen volck gesprochen / wie denn auch der Mentzische Weibbischoff selbst sagt. Vnd zwar warumb solt der Priester sonst das volck vermanen / wenn er spricht / Last vns beten etc. Derhalben were es auch sehr nütz vnd gut / das solch gebet abgethan / oder auffss wenigste doch geändert würde.

Vnd des werdet jr nicht die ersten sein / die solchs thun. Denn so haben vormals auch ewer Better ein ander stuck aus dem Canon gecorrigirt / welchs itzt gelesen wirdt. Fiat commixtio & consecratio corporis & sanguinis Domini nostri Iesu Christi accipientibus nobis in vitam æternam

¶

name

nam. Vormalß aber hat man also gelesen / wie  
man noch in den alten Missal büchern sibet /  
Hæc sacrosancta commixtio corporis & sanguinis Do-  
mini nostri Iesu Christi fiat omnibus sumentibus salus  
mentis corporis, & ad uitam æternam capeffendam  
præparatio salutaris. Diese allerheiligeste vnter  
einandermischung / des leibs vnd bluts vnserß  
Herrn Jesu Christi / werde alle denen / die es zu  
sich nemen / ein heil des leibs / vnd der seelen /  
vñ eine heilsame zubereitung zu empfabē das  
ewige Leben. Denn sie haben auch one zweiffel  
gesehen / das daraus auch die vorgemelte ir-  
thumb können beweiset werden / nemlich / das  
auch die Leyen das heilige Sacrament vnter  
beiderley gestalt empfangen haben. Vnd das  
die Mess ein gemein Ceremonien der gantzen  
versammlung gewesen sey / vnd nicht eins Mess /  
pfaffen allein / der in einem winckel Mess helt.

Von alten verenderungen / so die Besten  
in die 600. Jar nach Christo stedts haben im  
Canone etwas hinzu gesetzt / oder geendert /  
wil ich itzt nichts sagen. Denn wer da wil sel-  
lig / vñ nicht verbrennet werden / der mus  
nach des Weibbischoffs von Mentz glauben /  
widder sein gewissen / vñ widder alle hoffnung  
hoffen / das der Canon mit alle seinen stücken  
sint der Apostel zeit her gewesen sey.

Das aber der Canon weder in Worten /  
noch in den hendeln mit sich vberlein stimmet /  
Sondern itzt aus wedderholung einerley ding /  
(als das er der todten gedechtnis drey mal /  
das opffer aber vnzelich viel mal wedderholet)  
DARNACH

44  
Darnach auch aus nerrischer zusamensetzung  
mancherley dinge / darin kein ordnung gehal-  
ten wirdt (Denn er opffert ehe er consecrirt  
hat / vñnd wil also durch ein stuck brot Gott  
versünen) vñnd damit gnugsam zeigt / das er  
von vielen nerrisch vñd vngeschickt zusamen  
gesetzt / dauon wil ich itzt nicht sagen. Denn  
man mus solchs die Leyen nicht wissen lassen /  
das nicht die Maiestet der heiligē zeuberey in  
verachtung gerate. Darumb schreibe ich euch  
Geistlichen dis Geheimnis in secret allein / in  
sonderheit aber den verstendigen vnter euch /  
vñd so ein starck / weit vñd auffgeschnuret ge-  
wissen haben / zubedencken / vñnd daruon vn-  
ter euch selbst zu mummeln.

Das aber die Griechische Canones mit  
den ewern / auch selbst vnter sich nicht zusam-  
men stimmē / was ligt dran? Sind sie doch Ket-  
tzer / aber jr seidt Catholisch vñd Romanisch.

Es wurde auch der heilige Vater Babst  
Julius / ach nicht der Pflug / sondern der drit-  
sehr wol daran thun / so er seine geschworne  
Knechte die Bisschoffe in ein Conciliū versamle-  
te / vñd mit einander der sachen eins wurden /  
wie es doch noch endtlich mit dem Kleinen Ca-  
non gehaltē sol werden. Den er ist in den alten  
Büchern gar viel anders / den itzt in den Newē.

Zu dem sol dis auch nicht verseumet oder  
vergessen werden / das die Möniche in ihren  
Messbüchern etliche stuck des Canons / als  
Communicantes, & Hanc oblationem, immerzu ver-  
endern. Denn wo solchs der gemeine man

B ij wirdt

wirdt mercken/so wirdt er von stundt an ge-  
dencken/das es vmb den Canon nicht so ein  
heilich ding sey/vnnd das er nicht sey von den  
heiligen Aposteln gemacht worden /wie der  
heilige Vater Sydonius meinet/weil ein jeder  
lausiger Mönch macht hat / wens im gefelt/  
etliche stücke drinnen zu endern.

Es were auch sehr gut/das man den Cas-  
nonem/so im Ertzbisthumb zu Meilandt ges-  
halten wirdt( der auch etwa anders lautet/  
denn der Römische) abthete. Den jr sehet wol/  
das etliche bereit daraus beweisen wollen/der  
Canon sey nicht so ein heilig ding / oder von  
den Aposteln gemacht /Sondern ein iglicher  
hette es nach seinē gutdünckel/ gezimmert vnd  
geflicket/weil so mancherley Canones/vnter/  
einander vngleich gefunden werden.

Das weiter Lutherus aus dem Canone  
gar frefftiglich beweisen wil/ das er nicht al-  
lein vntuchtig vnnd vergeblich/ sondern auch  
ein gar geflickter / gebestelter vnnd gottloser  
betler mantel sey/dauon wil ich dismal nicht  
reden/das jr nicht durfft meinen/ich lege seinē  
irthumb auch bey. So konnet jr doch on das  
die Luterischen gar leichtlich vberwinnen/auff  
diese weise/spricht nur zu jnen/nach laut ewer  
decret/ob gleich der heilige Vater der Babst/  
samt seinen geistlichen Sünichen viel hun-  
dert tausent Seelen hinunter zur Hellen fürete/  
darff jm doch keiner drumm einreden / vnd in  
sawr drumm ansehē. Oder gleich wie die glosa  
im Decret lautet: Papæ est pro ratione uoluntas, das  
ist so

123  
ist soviel gesagt/Alles was er haben wil / das  
mus recht sein. Derhalbē ob wir gleich etwas  
mit recht oder vnrecht binden oder lösen/mus  
doch Gott im Himmel ia darzu sprechen. Item  
spricht weiter zu inē/ir seit Ketzler/wir aber sein  
die rechte Catholische Röm. Kirche/ derhalbē  
fragen wir nach ewern Worten gar nichts etc.

Das möcht ich aber hertzlich gern wissen/  
ob der heilige man/der Bisschoff von Sodom/  
mit sich/als er aus dem heiligē landt Canaan/  
von Sidon/da er Pfarrer ist/in Teutschlandt  
gezogen/ein Ebreisch/Chaldeisch/oder aber  
ein Griechisch exemplar ewers Canons bracht  
habe. Denn es ist gar kein zweiffel/das so der  
Canon nach allen seinen stücken / von der  
Apostel zeit her in der Kirche gewesen ist/nicht  
erstlich solte entweder Griechisch oder Chal/  
deisch/oder Ebreisch geschrieben sein. Denn  
es ist nicht gleublich/das /weil die Apostel  
nichts Lateinisch geschrieben haben / allein  
den Canon hetten Lateinisch geschrieben. Das  
ist aber gewis/das sie bey den Völckern in Sy  
ria/so die Lateinische sprache nicht gekundt ha  
ben / die Lateinische sprache nicht gebraucht  
haben. So aber der gute Vater vor grosser  
eil/vmb des grossen einers vnd fleis willen/die  
Ketzler zum gehorsam des allerheiligsten Va  
ters des Babsts zu bringen/ die ersten Exem  
plar des Canons mit sich zu nemen vergessen  
hat / vnd es jm auch der Geist nicht eingege  
ben/so halt ich warlich / das ir in solt weder  
umb auffss aller furderlichste dorthin zu solchē

W iij herlichen

Herlichen werck / den Canon zu erforschen / abfertigen / nicht allein bis in Syriam / sondern auch / wo mans nicht neher finden kan / bis in Indiam / vnnnd gen Taprobanam / ia auch bis zum Plutone . Denn daraus kōndte euch ein grosser nutz entstehen / Als erstlich kōndtet jr corrigirn vnd bessern / so etwas nicht gantz wol ins Lateinische transferirt vnd gebracht ist. Darnach wenn jr ein Hebraisch oder Chaldeisch exemplar herfur brōchtet / gleubt mir / so wūrdet jr von stundt an alle menschen vberreden / das Christus selbst / da er im Abendmal nach dem newen gedichte der newen Papisten vnd Interimisten seinē himlischen Vater brodt vnnnd wein auffgeopffert hat / ewern Canon gesprochen habe. Auff welche weise hettet ihr / bey dem hōltzeren Peter / ewer thron sehr wol beschūtzet.

Zum letzten / so möchte man daraus ein gros heiligthumb machen / jr kōndt sagē / das es durch Christi handt geschrieben were / So gebe jm der Babst auch seinen seggen / vnnnd etliche quarenen ablas. Das brechte nu gelt / mit welchem wir kōndten Stiffte vnd Klōster bawē / vielen armen Schwestern helfen / vnd vnzelich viel gutes mit ausrichten / ihr wisset wol / wie sehr hoch an manchen örten die gemelde / die (wie man feste gleubet) S. Lucas gemalet hat / geachtet werden.

Was ich aber von den stücken / so in alten Missalen anders sein / denn in ewern / geschrieben hab / das kan ich / wo es von nōten thun wirdt /



15

wirdt / auch mit darthuen der Bücher beweisen / das es war sey. Ich wil euch noch das mehr sagen / das eben in demselbigen köstlichē Missal / dauon oben gesagt / die letzte ölung für die Communion der Francken gehalten wirdt / vnd befohlē in der Rubricken / man sol es mehr mal thun / vnd sol darnach den Francken geben de corpore & sanguine Christi, von dem Leib vnd Blut des Herrn.

Aber ich bitt euch heilige Väter ernstlich / sehet doch fleissig / das nicht etwa ein Lutherischer diese meine schrift bekomme / deñ es were zu besorgen / das sie es nicht fluchs in den Druck liessen ausgehen. Denn es ist wunder / wie die Leute alles wollen ans licht bringen / das ist aber ewrer sache gar nicht dienstlich.

Darumb so sehet zu was ir thut / wachet vñ dencket dieser sachen wol nach. Deñ gleubt mir das für war / weñ ewer Canon glühēt / vnd glitzet / so glühēt vnd glitzet auch ewere Küche vnd Köchin / Wenn aber ewer Canon vnd Messe gefriert vnd dunkel wirdt / so gefriert vnd verfinstert auch ewere Küche / ia vnd das noch viel erbermlicher ist / ewer hertz allerliebsten Schwesterlein / vnd das ist widder die Liebe.

Gedruckt zu Magdeburgk durch  
Michel Lotther.

1 5 5 0.

179 1208 61

Faint, illegible text, likely bleed-through from the reverse side of the page.


Faint, illegible text at the bottom of the page, possibly bleed-through.



(X 220 5359)







444 7

ine freuntliche/  
e vnd andechtige erinne-  
fl. Jly. an das heilige Volck/  
igliche priesterthumb des An-  
rists/von der besserung  
des heiligen Canons  
oder Stilmessen.

Vg  
1238  
847  
847

Jesae am. xxviiij.

sindt diese auch vom Wein tol worden/  
(nemlich / geistlich) von starckem getren-  
nde Priester vnd Propheten sind toll von  
encke/sind im Wein ersoffen vnd daumeln  
getrencke. Sie sind toll im Weissagen/vnd  
teil erans/Denn alle Tische sind vol speiens  
das ist / falscher lere vnd missbreuche) an  
Wen sol er denn leren das erkentnis? wem  
hen geben die Predig?

uckt zu Magdeburgk durch  
Michel Lotther.

1550.

